

tem tenuisse Rem publicam, qvod interfluentibus aquis divisi sint
cives, cum Joh. Botero arbitratur Forstnerus. i)

a) Polit. Liv. lib. 1. art. 17. b) lib. 2 de Mag. Rom. c) in post annotat. 11.
d) lib. 2. e) Sigan. lib. 1. de rep. Athen. cap 2. f) Oldendorp. in restaur. polit.
lib. 2. §. 2. g) Sveton. Aug. cap. 65. h) Facius l. cit. i) Not. pol. ad lib. 4.
Ann. cap. 2.

XIX. Qvoniam autem, ut supra monitum fuit, potentiam *II. Quoad*
is habet, qvi non solum sua conservare, sed etiam alia obtinere, *obtinendi*
potest, necesse est ut, si Romulo ejusq; Reipublicæ potentiam tri-*facultatem*
buere velimus, posterius etiam membrum in ipso exhibeamus.
Ubi primo loco queritur, *an Princeps jure alia invadere sibiq; ven-*
dicare possit? Respondetur, si fiat ob regnandi desiderium, atq;
imperii saltem proferendi causa, in justissimum esse bellum. Sunt
enim quidam homines adeo feri & feroce, ut cum Tiridate Ar-
meniæ Rege, id æquius, qvod validius astiment, & inde, sua retinere
privatae domus: de alienis certare regiam laudem esse dicant. a) Non
possumus, qvin hoc loco ascribamus barbaram Solimanni Tur-
cici orationem, qvam capta Rhodo insula & exturbatis inde Hi-
erosolymitanis eqvitibus ad Philippum Villerium, Magnum illius
ordinis Magistrum habitam ex Jacobo Fontano b) recenset Ber-
neggerus: c) *Qvod nullo odio, inquit tyrannus, tibi bellum intulerim,*
sed sola dominandi libidine, vel hinc potes colligere, quod te tuosq; invio-
latis corporibus, intactis fortunis hinc dimittam. Haud enim bella
gero, ut divitias & opes comparem; sed ad gloriam, famam, immorta-
litatem, protelationem imperii tendo. Est enim Regis, sanguine Re-
gum orti proprium, rapere atq; invadere aliena, non quidem avaritia, sed
gloriosa cupidine dominandi: cui cum obstat vicinus, armis & vi eum
tollere satis habeo. O hominem Alexandro M. felici terrarum pra-
doni d) simillimum; qvi cum audiret ab Anaxarcho, plures esse
mundos, effusis lacrymis converebatur, se hunc mundum non
dum subegisse e) Talibus autem ingenii reponimus illud Augu-
stini f) Nocendi cupiditas, ulciscendi crudelitas, implacatus & impla-
cabilis animus, feritas rebellandi, libido dominandi, & si quæ sunt similia,
haec erunt, quæ in bellis jure culpantur. Videmus quid nobis hic
objici posse; Maximam principum curam imperii proferendi
esse debere, nec incommode Romanum Imperatorem vocari
semper Augustum, qvod teneatur de amplificando Imperio cogi-